

## Ina candeila raquenta

Vus haveis envidau mei mo mireis – empau pensiv ed en patratgs – sin mia glisch. Forsa che vus selegreis era in tec leutier. Jeu en scadin cass selegrel che jeu ardel. Sche jeu barschass buca, schisshess jeu en in cartun cun autras candeilas che brischan buca. En in tal cartun fagein nus candeilas insumma negin senn.

Leu schischin nus mo entuorn. In senn haiel jeu mo sche jeu brischel. Ed ussa brischel jeu. Mo dapi ch'jeu brischel sundel jeu gia daventada in tec pli cuorta. Quei ei donn, perquei ch'jeu sai s'imaginar che jeu daventel aschi cuorta ch'jeu sundel mo pli in pign stumbel.

Denton eis ei aschia: ei dat mo duas pusseivladads – u ch'jeu restel entira ed intacta el cartun, lu daventel jeu buca pli cuorta, lu schabegia insumma nuot cun mei – lu saiel jeu denton buca tgei ch'jeu duess insumma – entras regalar glisch e calira, saiel jeu, per tgei intent ch'jeu existel, stoiel denton dar enzatgei persuenter: da memezza, mei sezza.

Quei ei pli bi che da restar freida ed emblidada el cartun. Aschia eis ei era tier vus carstgauns. U che vus resteis per sesezs, lu schabegia nuot a vus, lu perdis vus nuot – mo lu saveis vus era buca pilver: tgei senn che vossa veta ha. Lu essas vus sco candeilas en in cartun. – Auter eis ei sche vus regaleis glisch e calira. Lu haveis vus in senn. Lu selegran ils carstgauns ch'ei dat vus. Lu essas vus buca cheu invanamein.

Mo persuenter stueis vus dar enzatgei: da sesez, cunzun da quei che viva en vies intern: da vies plascher, da vossa carezia, da vossa fideivladad, da vies rir, da vossa tristezia, da vossas temas, da vossas encarschadetgnas, da tut quei ch'exista en vies intern.

Vus stueis gnanc temer da daventar pli cuorts. Cuntrari. Egl intern daventeis vus pli e pli clars entras glischar da dadens anora e sesarver ed esser aviarts pils concarstgauns.

Sche vus carstgauns vesis ina candeila che arda patertgeis vus forsia il suandont. Quella pintga, singular candeila ardenta ei biala mo ella sa buca propi porscher bia glisch e sia calira ei mo pintga. Quei ei ver.

Jeu persula – quei ei buca bia. Mo ensemen cun auteras ei la glisch ferma e la calira gronda. Tier vus carstgauns ei quei ual tuttina. Persuls, sin sesezs, ei vossa glisch buca termenta e la calira pintga.

Mo ensemen cun auters essas vus bia. Glisch che dat forza.